

NUKISSIORFIIT

Tamanut pilersuinermi piumasaqaatit nalinginnaasut

INNAALLAGIAQ

nr. 1. Atuutilerfia 1. februar 2009

Aallarniut

Nukissiorfiit pilersuinermi piumasaqaatai nalinginnaasut, takussutissat ilanngullugit, tassaavoq innaallagissamik pilersuinermi Nukissiorfiit aamma sullitat makku

- Illunik piginnittut aamma inissianik nammineq piginnittut (piginnittoq) innaallagissamik pilersuinermut attavilersimasut
- Innaallagissamik pilersuinermik atuisut (atuisoq) aamma
- Innaallagisserisut el-installatørit akuerisaasut suliaqartartut (el-installatørit)

akornanni inatsisitigut tunngavissatut uppersaataavoq pingaarneq.

Oqaasertaani piginnittunut atuisunullu ataatsimoorussamik taaguutigineqarpoq sullitaq, tul-luuttut isumaqarfigineqarpat. Sullitaq tassaavoq inuk inatsisitigut akisussaasoq, Nukissiorfiit akiliisarnermi uuttuutitun ataatsimut arlalinnulluunniit atuisutut nalunaarutigineqarsimasoq nalunaarsorsimasorlu.

Piginnittoq, atuisoq aamma el-installatør Nukissiorfiit pilersuinermi piumasaqaataani nalinginnaasuni imarisai ilisimasariaqarpat, sammisat imminnut atuuttut eqqarsaatigalugit.

Piginnittut, atuisut aamma el-installatørit kiisalu Nukissiorfiit qaqugukkulluunniit inatsisit, peqqussutit, nalunaarutit aamma innersuussutit il.il. atuuttut qaqugukkulluunniit malinnissaannut pisussaaffeqarput. Tamakkunatigut makku immikkut erseqqissaatigineqassapput:

Nukissiornermik pilersuineq pillugu Inatsisartut peqqussutaat nr. 14 ulloq 6. november 1997-imeersoq

Innaallagialaq sakkortoq atortullu innaallagissatortut pillugit Inatsiartut peqqussutaat nr. 12 ulloq 3. november 1994-imeersoq

Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13 ulloq 6. november 1997-imeersoq.

"Innaallagissamik atortorissaarutit illumilu atortut attavilernerat pillugu ataatsimoorussamik malittarisassat" (FR), pillugit Namminersornerullutik Oqartussat nalunaarutaat nr. 13 ulloq 11. juni 1996-imeersoq, kalaallisut ilassutaa ilanngullugu.

Innaallagissamut sakkortuumut atortut pillugit ataatsimoorussamik Kalaallit Nunaannut aalajangersakkat (FBSG).

Kiassarnermi atortut pillugit aalajangersakkat 1. juli 1993-imeersut

Namminersornerullutik Oqartussat aamma Kalaallit Nunaanni Kommuneqarfiit Kattuffiat, kommunit nunaqarfiini innaallagissamik imermillu pilersuinerup Namminersornerullutik Oqartussat/Nukissiorfiit isumagilerneranni Isumaqatigiissutissatut Tunngavigisat 1. januar 1998-imeersoq

Imarisai

Nukissiorfiit innaallagissamik tamanut pilersuinerani pilersuinermi piumasaqaatit nalinginnaa-
sut immikkoortunut makkununga agguarneqarput:

1. Nassuiaatit
2. Aallarniutaasumik aalajangersakkat
3. Innaallagissamik pilersuinerup atatiinnarnera
4. Ikkamut attaviit aqqutaat
5. Atortut innaallagiatortut
6. Maalaaruteqarsinnaaneq

1. Nassuiaatit

Attavilerfik

1.1

Attavilerfik Nukissiorfiit pilersuinermi aqquataa aamma sullitap aqquataa imminnut attaveqarfiat. Sullittat toqqaannangitsumik attavilerfii (inissiat il.il.) attavilerfiat tassaavoq Nukissiorfiit aqquataa aamma immikkut aqquataa (sullitanut arlalinnut ataatsimoorussamik atortorissaarutaat) imminnut attavilerneqarfii.

Attavilerfik tassaasinnaavoq sakkortusaavik, kabelit aqquuserfiisa skaavii imaluunniit napparut.

Ikkamut attaviit aqquataat

1.2

Attavilerfiup aamma sullitap atortorissaarutaata akornanni attavik imaluunniit attavilerfiup aamma atortorissaarutitut arlalinnut ataatsimoorussamik immikkut aqquutip akornanni attavik.

Attavik pingaarneq

1.3

Atortorissaarutitut arlalinnut ataatsimoorussamik immikkut aqquqummut ikkamut attaviisa akornanni attavik, aamma atortorissaarutitut ataasiakkaanut aqquut.

2. Aallarniutaasumik aalajangersakkat

El-installatøri akuerisaasoq

2.1

Ikkamut ikkuffinnik aamma atortorissaarutit innaallagiatortut akuerisaasumit suliarineqarnissaannik piumasaqaatitaqarfiusut tamarmik Kalaallit Nunaanni suliffeqarfimmit akuerisaasumit aamma el-installatørimit akuerisaasumit suliarineqassapput.

Suliat tamarmik innaallagissamik sammisaqarnerit pillugit malittarisassat inatsisillu qaqugukkulluunniit atuuttut malillugit suliarineqassapput.

El-installatørimit piumasaqaatit

2.1.1

El-installatørip akuerisaasup inatsisitigut piumasaqaatit "Kalaallit Nunaanni elinstallatørinut ilitsersuutit aamma akuerisaasunut maleruagassat"-ni nassuiarneqarsimasut Kalaallit Nunaanni Innaallagisserinermut Oqartussanit suliarineqarsimasut malittussaavai.

Ilitsersuutini qulaani taaneqartuni pineqarput elinstallatørit suliasaannik suliaqarneq aamma akuerisaanissamut pissarsinissamut aalajangersakkat.

Pilersuinermit killigititat

2.2

Nukissiorfiit pilersuinermit killigititaat tassaapput innaallagissap aqqutaani killissaq, sullitap ikkamut ikkuffiata aqqutaanut lednigut napparummiittuni, siammarterinermut skaavinni imaluunniit sakkortusaavinni attaviliinerit.

Atortorissaarutit pilersuinermit killigititaq tikillugu ilanngullugulu pilersitsinerit aserfallatsaaliinerillu Nukissiorfiit isumagissavaat.

Pilersuinermit killigititamut atuuffik tulliuttuni attavilernermit killitut taaneqartassaaq.

Piginnittup illuani atorut

2.3

Pilersuinissamut piginnittumut pisussaaffiit eqquutsinniarlugit piasariaqartinneqassappat piginnittup illuanut imaluunniit illuata iluani pilersuinermit atortorissaarutit Nukissiorfiit ikkussuussinnaavaat.

Piginnittoq, akiliinertaqanngitsumik, nunaminertamik imaluunniit inimik tulluurtumik Nukissiorfinnut atortuliissaaq.

Pilersuinermit atortorissaarutit assersuutigalugu tassaasinnaapput napparutit, kaabilit, siammarterinermi skaaviit, sakkortusaaviit il.il.

Illumit allamit pilersuinermit atortorissaarutit aqqutigalugit pilersuineq

2.3.1

Nukissiorfiit pisinnaatitaapput piginnittut allat inuup allap pigisaani pilersuinermit atortorissaarutaanut ikkussimasooq aqqutigalugu pilersorsinnaallugit, immikkoortoq 2.3 naapertorlugi.

Tamatumunnga atatillugu piginnittoq atorsinnaasaminik annikillisaaffigineqarluni aamma akornusersorneqarluni taarsiiffigineqar-nissaminik pisinnaatitaaffeqarpat, periutsit atuuttut malillugit taarsiissutissaq piginnittup kissaatigippagu isumaqatigiinniutigi-neqassaaq akilerneqarlunilu.

**Nuussineq imaluunniit
pilersuinermi atortunik
allangortitsineq**

2.4

Nukissiorfiit atortorissaarutaat piginnittup, atuisup imaluunniit pi-sortani aqutsisut piumasaqarnerat malillugu allangortinneqas-sappata imaluunniit nuunneqassappata, tamatumunnga atatillu-gu Nukissiorfiit aningaasartuutai taama suliakkiisup tamaasa aki-lissavai.

Nukissiorfiit atortorissaarutaat illumi imaluunniit illup iluaniittut il-lup allangortinnerata assigisaataluunniit malitsigisaanik allann-gortinneqassappata imaluunniit nuunneqassappata, tamatu-munnga atatillugu Nukissiorfiit aningaasartuutai piginnit-tup/atuisup tamaasa akilissavai.

Teknikkikkut pissutsit pisariartitsissappata Nukissiorfiit pilersui-nermut atortorissaarutai attaviillu tassunga ilaasut, illumut atasut imaluunniit illup pineqartup iluaniittut allangortinneqassappata imaluunniit nuunneqassappata piginnittumut/atuisumut aningaa-sartuutitaqanngitsumik Nukissiorfiit taama iliorsinnaatitaavoq.

Tamatumunnga atatillugu piginnittoq atorsinnaasaminik annikilli-saaffigineqarluni aamma akornusersorneqarluni taarsiiffigineqar-nissaminik pisinnaatitaaffeqarpat, periutsit atuuttut malillugit taarsiissutissaq piginnittup kissaatigippagu isumaqatigiinniutigi-neqassaaq akilerneqarlunilu.

3. Innaallagissamik pilersuinerup atatiinnarneqarnera

Pitsaassuseq

3.1

Nukissiorfiit pilersuineq pitsaassuseqarluartoq patajaatsorlu atatiinnarniarlugu sulissuteqarpoq, innaallagissami maligaasiat aamma nul-up akornanni pappilissatigut 3 x 230/400 V akornanni sakkortussusilimmik, takuuk Innaallagissamut sakkortuumut atortut pillugit ataatsimoorussamik aalajangersakkat, Kalaallit Nunaat (FBSG).

Innaallagissamik pilersuinermi Nukissiorfiit taamaallaat attavilerfiup killinga akisussaaffigaa. Ikkamut aqqummi atortorissaarutini nilu kukkunerit attavilereernerini pisut Nukissiorfiit akisussaaffingingilaat.

Pilersuinermi aqqutini suliaqartarneq

3.2

Pilersuinermi aqqutini imaluunniit innaallagissiorfimmi suliaqar-nissaq pilersaarutaareersoq sioqqullugu, innaallagissamik pilersuinerup pilersaarutitut matugallarnissaa pillugu Nukissiorfiit atuisunut nalunaaruteqartarpoq.

4. Ikkuffinnut aqqutit

Ikkuffinnut aqqutinut akuersissutit

4.1

Nukissiorfiit atortorissaarutaasa periarfissaqartitsinerini illut ikkuffinnut aqqutinik ikkussuisarpoq, soorlu atortut piginnaasaat aamma teknikkikkut tunggaviit eqqarsaatigalugit.

Ikkuffinnut aqqutinik pilersitsineq

4.2

Ikkuffimmuut aqqut pilersinneqartarpoq aalaajangersakkani matumani maleruagassat naapertorlugit, Nukissiorfiit "Installatørinut ilitserisutai", "Ataatsimoorussamik maleruagassat" atuuttut malilugit, aamma Kalaallit Nunaanni Innaallagissiornermut Oqartus- sat Ataatsimoorussamik maleruagassanut ilassutit atuuttut malil- lugit.

Ikkuffimmuut aqqut napparutitigut aqqutit atorlugit ikkunneqarpat, piginnittup akisussaaffigaa ikkamut ikkuffiup atassutilernera illup sapissanngikkaa. Nukissiorfiit taamaallaat taarsiinissamut akisus- saatinneqarsinnaavoq, Nukissiorfiup tungaanit sumiginnaasoqar- simappat.

Illumut immikkut attavi- liineq

4.3

Inissianik qaleriissaanngitsunik sanaartornermi inissiat ataasiak- kaat tamarmik immikkut illumut ikkuffimmik pilersiffigineqassap- put, takuuk takussutissaq 1.

Inissiat ataasiakkaat qaleriuisinnaapput, taamaattorli ataasiinnar- nit ineqarfiusussaallutik.

Assersuutigalugu illut affarleriit marlunnik illumut ikkuffeqassap- put, illut sanileriaat ineqarfiit amerlaqqataannik illumut ikkuffe- qassapput.

Illumut ikkuffiit ataatsimoorussat

4.4

Inissianik qaleriissanik sanaartornermi inissiaqarfikkaat ataasiak- kaat, inissiat qaleriiaassimallutik inissisimasut, ataatsimoorussa- mik illumut ikkuffilerneqassapput, takuuk takussutissaq 1.

Inissianik qaleriissanik (blokket) sanaartornermi inissiat ataatsi- moorussanik ikkuffilerneqarsinnaapput, taamaattorli blokket ataa- siakkaarlugit minnerpaamik ataatsimik ikkuffilerneqassallutik, ta- kuuk takussutissaq 1.

Ataatsimoorussamik ikkuffinnik atuinermi, aqqutit pingaarnerit ataasiakkaat (innaallagissamik ikkuffiit) ikuallattoornissaq inuillu isumannaallisaaffiginissaat eqqarsaatigalugu innaallagissamut atortut avataasigut qaminneqarsinnaassapput.

Attavilernermi akiliut

4.5

Nutaamik ikkuffiliineri imaluunniit ikkuffioreersut annertusarne- rini sullitaq ikkuffilernerimut akiliuteqassaaq, Nukissiorfiit Tun-

niaanermut Piumasaqaataanni akigititat atuuttut naapertorlugit.

Immikkut piumasaqaatit

4.5.1

Nukissiorfiit pilersuutaannik ikkussinermut atatillugu piginnittoq/atuisoq inissiinissamut imaluunniit ilusiliinissamut immikkut piumasaqaateqarpat, taama immikkut piumasaqarnermut atatillugu aningaasartuutit piginnittup/atuisup akilissavai.

Piginnittumut piumasaqaatit

4.6

Aqqummut ikkuffilerneq piginnittumit akilerneqassaaq, pilersinneqassaaq aamma aserfallatsaalineqassaaq.

Ikkuffinnik aserfallatsaaliuinnginneq

4.6.1

Nukissiorfiit isumaqarpat, ikkuffik isumannaatsumik aserfallatsaaliorneqarsimanngitsoq, tamanna peqqutaalluni pilersuinermi aqqummik ajoqusiisoqarsinnaalluni imaluunniit akornusersuisinnaalluni imaluunniit inunnut navianarsinnaasumik imaluunniit nalilinnik isumannaarinissamut navianaateqarsinnaasumik, piginnittup akiligaanik ikkuffimmut aqut Nukissiorfiit attaveersinnaavaa.

Illut atorneqanngitsut

4.7

Illumut atorneqanngitsumut ikkuffimmut attavik piginnittup akiligaanik Nukissiorfiit attaveersinnaavaa, pilersuinermi aqutitut allanut ajoqusiisinaappat imaluunniit akornusersuisinnaappat imaluunniit inunnut imaluunniit nalillit isumannaallisarnerinut navianaateqarsinnaappat.

Tamatuma pinnginnerani Nukissiorfiit piginnittoq kalerrinniassavaa.

Atuiffiup allanngornera

4.8

Attaviup ikkiffia illumut/atuiffimmut allamut atorneqarsinnaanngilaq. Ikkiffiup illumut/atuiffimmut allamut attavittut atornissaa sulitap kissaatigippagu, tamatumunnga atatillugu Nukissiorfiit aningaasartuutai tamaasa piginnittup/atuisup akilissavai.

Ikkuffiup attavianik nuussineq

4.9

Teknikkikkut pissutsit pisariaqartitsippata, attavimmu ikkuffik Nukissiorfiup nuussinavaa. Tamatumunnga atatillugu aningaasartuutit Nukissiorfiup akilissavai.

Piginnittumi, atuisumi, kommunimi imaluunniit pisortat aqutsisoqarfiani allami ikkuffiup attaviata nuunnissaa pissutissaqartitsippata piginnittoq, kommuni imaluunniit pisortat aqutsisoqarfia (soorlu aqqusinniornermi oqartussat) taama nuussinermi Nukissiorfiit aningaasartuutai tamaasa akilernissaannut pisussaaffeqarpoq.

**Isumannaallisaanernik
qaangiilluni atuivallaar-
neq**

4.10

Piginnittup/atuisup pilersuinerup annertussusia qaangerpagu pilersuinermi annertussutsip annertusarnissaanut Nukissiorfiit piumasaqarsinnaapput. Annertusaanermi piginnittoq/atuisoq attavilernermi akiliummik akiliissaaq Nukissiorfiit Tuniniaanermi Piumasaqaataat atuuttut naapertorlugit.

**Piginnittup aamma atuisup
akornanni attuumassuteqarneq**

4.11

Atuisoq illumik innaallagissamik atortoqarfiusumik piginnittuunnigippat Nukissiorfiit piumasaqarsinnaavoq atuisup uppersassagaa piginnittup innaallagissamik atortut nutaat akuerisimassagai imaluunniit pilersuinermi annertussutsip allangortinneqarnera akuerisimassagaa.

5. Atortut innaallagiatortut

Illut atortorissaarutai

5.1

"Kalaallit Nunaanni innaallagissamik sakkortuumik atortut pillugit ataatsimoorussamik piumasagaatit" taamallu "Innaallagiatortut sakkortooq pillugu nalunaarut" naapertorlugu piginnittup akisussaaffigaa atortut imannaatsumik atorsinnaanissaat.

Atortorissaarut ajoquteqartoq innaallagissamut attavinnut attavileqqusaanngilaq.

Illup innaallagissamik atortorissaarutai ajoquteqartut, inunnut imaluunniit atortunut annertuumik navialititsisinnaasut, Nukissiorfiit paasippagit, pilersuinerup attaveerunnissaanut Nukissiorfiit pisinnaatitaavoq.

Tamatumunnga atatillugu Nukissiorfiit aningaasartuutai piginnittup akilissallugit pisussaataavoq.

Illup atortorissaarutai Nukissiorfinilluunniit misissorneqarsimagaluarpata, atortorissaarutit isumannaatsuunissaat piginnittup kisiimi akisussaaffigai.

Atortorissaarut atorunnaartutut nalunaarutigineqarpat, soorlu uuttut peerneqarsimalluni, atortorissaarut ingerlatsiunnaarsimasaaq. Atortorissaarut qaammatit pingaasut (3) tullerit ingerlasimangippat, atortorissaarutit elinstallatørimit akuerisaasumit misissorneqarnissaanik misilittarneqarnissaanillu kinguneqassaaq. Taamaalereerpat atortorissaarut piffissami misissuiffiusup nalaani aalajangersakkat atuuttut naapertorlugit iluarsineqarsimassaaq.

Uttortaammik ikkussisoqarnissaa sioqqullugu innaallagissamik pilersuisunut nutaamik atuutsitsilerneq nalunaarutigineqassaaq.

Illumi atortorissaarutit

5.2

Illumi atortorissaarutit ledningertallit ikkuffittallillu isumannaatsuunissaat piginnittup/atuisup akisussaaffigai.

Ataatsimoorussamik maleruagassat

5.3

Piginnittup/atuisup innaallagissamik atortut taakkunungalu ataatsit illumi atortut "Innaallagissamik atortut atortullu innaallagiatortut ikkunnerinut ataatsimoorussamik maleruagassat"-nik eqquutsitsissapput, Kalaallit Nunaannut ilassutit ilanngullugit.

Innaallagissamik atortunit imaluunniit atortorissaarutinit ajoqusiinerit akornusersuinerillu

5.4

Innaallagissamik atortut atortorissaarutillu atornerini Nukissiorfiit pilersuinermi atortuinik imaluunniit uuttuutaannik ajoqusiissangillat imaluunniit artukkiissangillat, taamallu akornusersuinerit piginnittunut/atuisunut allanut kalluaassanatik.

Piginnittoq/atuisoq illumi atortorissaarutinit pigisaqartoq, kisimiillutik imaluunniit atortorissaarutinit allanut atallutik pilersuinermit

aqqutinik annertuumik imaluunniit akuerineqarsinnaanngitsumik akornusersuisut, taama akornusersuinerit iluarsissallugit pisusaatitaavoq imaluunniit iluarsiinermi Nukissiorfiit aningaasartuutaanik akiliissalluni pisussaaffeqarpoq.

**Akornusersuineq peqqu-
tigelugu attaveerunneq**

5.5
Akornusersuinerit immikkoortoq 5.4-mi taaneqartut piginnitup/atuisup iluarsisimanngippagit innaallagissamik pilersuinerup aqqutaa attaveerutissallugu Nukissiorfiit pisinnaatitaapput.

Paasissutissanik nussuinerit

5.6
Paasissutissanik nussuinerit aamma ilisarnaatinillu allanik nuusuinerit Nukissiorfiit innaallagissamik aqqutai atorlugit allakkatigut akuersissummik peqqaarnani inerteqqutaavoq.

6. Maalaaruteqarsinnaaneq

Maalaaruteqarsinnaaneq 6.1

Sullitaq Nukissiorfiit pilersuutaanik il.il. pilersuinermi piumasaaqaa-tit uku malillugit naammaginngisaqaruni, uunga maalaarutigisin-naavai:

Nukissiorfiit
Sullitat maalaaruteqartarfiat
Postboks 1080
3900 Nuuk

Aalajangiussat sullitap naammaginngikkunigit, aalajangiineq uun-ga maalaarutigisinnaavaa; Nukissiornermi Pisortaq, Nukissiorfiit, Postboks 1080, 3900 Nuuk.


Pilersuineq imaluunniit akiligassiissutit il.il. Nukissiornermi Pisor-tap aalajangigai uunga maalaarutigineqarsinnaapput; Attaveqar-nermut Avatangiisinullu Naalakkersuisoqarfik, Indaleeqqap Aqqu-taa 3. Postboks 909, 3900 Nuuk.

IIKKAMUT ATTAVINNIK IKKUSSUINEQ


Assersuut:

Qaleriissaanngitsunik illuliornermi


Ilaqutariinnut illu




Illut affarleriit




Illut uiguleriissat



**Akuleriinnik isikkulinnik
illuliornerit**




Akuleriinnik isikkulinnik illuliornerit



Innaallagissamut atortut tamarmik atortut avataasigut qamin-neqarsinnaassapput.

Qaleriissanik sanaartornermi



Innaallagissamut atortut tamarmik atortut avataasigut qamin-neqarsinnaassapput.